



moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi

# Wees der bie!

meertmoand  
streektoalmoand  
ledder 2025

GR







Foto: Reyer Boxem

## Muziek

# Tammo zingt Folk

Noa de compleet oetverkochte tour mit zien debutveurstellen Tammo Zingt Staal keert TikTok Tammo weerom ien de theoaters mit *Tammo zingt Folk*. Soamen mit zien viefkoppege liveband nemt Tammo joe mit noar Ierland veur n verhaal zoas allain hom dat overkommen kin. n Verrassende en hilarische veurstellen mit t cabaret van TikTok Tammo en tougankelke, bekende klassiekers oet de Ierse folkmuziek. Teksten binnen deur Tammo zulf hertoald en schreven ien t Grunnegs.

📍 Geert Teis, Stadskanaal  
📅 zotterdag 1 maart, 20.00u

📍 Stadstheater de Bond, Oldenzaal  
📅 donderdag 6 maart, 20.15u

📍 De Meenthe, Steenwijk  
📅 vrijdag 7 maart, 20.00u

📄 Meer infermoatsie, tickets en tourdata: [tammo.nu](http://tammo.nu)

## Veurstellen

# WAARK

Theatergroep WAARK bestaat 50 joar en dat wordt vierd mit n feestelke jubileumtour! *HAALFMAAL of de macht van domhaid* is n meziektheaterveurstellen over Grunneger legendes en volksverhoalen. Ien HAALFMAAL kom je de oer-Grunneger Haalfmaal tegen. Hai wordt op dizze wereld zet, mor krigt gain noam. En wat mout je din? Wel binnen ie zunder noam? Bin-je n minsk of bin-je n haalfmaal? n Muzikoale veurstellen ien t Grunnegs mit laidjes van Bert Hadders, Harry Niehof, Wannes Van de Velde en veul aandern. Tekst is van Jan Veldman en regie van Ben Smit.

📍 De Graveborg, Oostwold  
📅 vrijdag 7 maart, 20.00u

📍 De Zaandorre, Zuidlaarderveen  
📅 zotterdag 8 maart, 20.00u

📍 Dorpshuis De Woldstee, Noordwolde  
📅 zotterdag 15 maart, 20.00u

📄 Meer infermoatsie, tickets en tourdata: [waark.nl](http://waark.nl)





Foto: Sandra Haverman



## Religie

# Grunneger Dainsten

Bezoekstoe regelmoateg n dainst ien ain van de schiere kerken dij Grunnen riek moaken? En bistoe ook laifhebber van de Grunneger toal? Kom din ien Meertmoand Streektoalmoand noar ain van de *Grunneger Dainsten*. Aankom 9 meert is der ien de Nicolaïkerk ien Appingedam n Grunneger Dainst mit ds Tammo J. Oldenhuis as predikant. En ds Klaas Pieterman begelaidt op 23 meert ien kerk van Huizinge de mörgendainst ien t Grunnegs. Kiek veur meer Grunneger Dainsten ien meertmoand en doarnoa op webstee van Liudgerstichten.

**i** Meer infermoatsie: [liudger.org](http://liudger.org)

## Divers

# Platform Streektaal: Meertmoand editie

Tiedens t *Platform Streektaal* kommen organizoatsies biemekoar dij heur bezegholden mit de Grunneger toal en cultuur en moaken zai plannen om dizzent te bestendegen. Dizze editie van t Platform is vanòf t twijde uur openboar tougankelk. Cato Piek, waarkzoam as mitwaarker waitenschopscommunicoatsie Grunnegs aan Rijksuniversiteit Groningen (RUG) en as mitwaarker aarfgoed en streektoalonderwies bie Erfgoedpartners | Centrum Groninger Taal & Cultuur, verzörgt van 11.15 tot 12.00 uur n lezen over meertoaleghaid en streektoalonderwies.

Ien dizze lezen besprekt Piek de veurdailen van n meertoalege aanpak ien t onderwies, t belang van nije sprekers veur n minderhaidstoal en hou streektoal ien de les integreerd worden kin. Doarnoa teunt zai aan dat t leren van Grunnegs op schoul t leren van Standaardnederlands nait ien weeg staait, ientegendail zulfs!

**📍** Berlagehoes Usquert

**📅** Doatum/tied: donderdag 13 meert, 11.15u – 12.00u

**i** Meer infermoatsie en aanmelden via [erfgoedpartners.nl/agenda](http://erfgoedpartners.nl/agenda)

**^ Weerom noar overzicht**





Foto: Pepijn van den Broeke

#### Evenement

## Veenkoloniaal/aols! in d'Rentmeester

*t Is haaldaal Drents én haaldaal Grunnegs.* Hou zain ienwoners van Veenkoloniën zulf heur taal en cultuur? Moakt t heur oet aan welke kaant van 'de grup' ze wonen? Dizze oavend staait haaldaal ien t taiken van de taal en cultuur ien de Veenkoloniën. Mit muziek van Silvia Fledderus en Erwin de Vries, en *dichtjederij* van Aagje Blink, Harma de Roo, Jan Harbers en Annie Martens. Streektoalkenners Arja Olthof, Fieke Gosselaar en historicus Maarten Zwiers goan tiedens de talkshow ien gesprek mit de dichters en muzikanten. *Veenkoloniaal/aols!* is n soamenwaarken tussen Centrum Groninger Taal & Cultuur en Huus van de Taol.

📍 d'Rentmeester, Valthermond  
📅 zotterdag 22 maart van 19:30u

📄 Meer informatie: [cgtc.nl](http://cgtc.nl) en [huusvandetaol.nl](http://huusvandetaol.nl)

🎫 Tickets: [bit.ly/veenkoloniaal\\_aols](https://bit.ly/veenkoloniaal_aols)



#### Rondlaiden

## Grunnegs ien t stadhoes

Op zotterdagmirreg 29 maart nuigen wie joe van harten veur n onvergetelke Grunneger mirreg ien t schiere stadhoes van Stad Grunnen.

Sluit soamen mit gemainte Grunnen de Meertmoand Streektoalmoand òf en neem n doek ien de rieke Grunneger cultuur. Geniet van schiere Grunneger verhalen deur verschaaiden vertellers en bewonder de prachtige foto's dij t verhaal van ons pervinzie zain loaten.

De verhalen heur ie op schiere plekjes ien t stadhoes. Loat joe verrazzen deur de Grunneger laidjes van Jan Henk de Groot.

En der is meer: Fieke Gosselaar van Centrum Groninger Taal & Cultuur viert soamen mit ons de laifde veur de Grunneger taal en cultuur.

📄 Tougang is vergees, mar aanmelden is nodig. Vol=vol.

📄 [forms.office.com/e/8yNV3WMHWA](https://forms.office.com/e/8yNV3WMHWA)

^ Weerom noar overzicht





Foto: Klaas Pieter Touw

### Muziek

## Ede Aans

Vocal kwartet *Ede Aans* bestaat oet Hanneke van den Berg, Martien de Pauw, Taco van den Berg en Reinder van der Molen. Ien heur Grunnegstoalege pergram bedocht deur musicus/schriever Peter Siebesma (tevens begelaider en örgelimprovisoatsie) zingen dizze geschoolde zangers laidjes van Ede Staal. Klassiekers as *Mien toentje*, *Nijstoatenziel*, en *t Het nog nooit zo donker west* passeren de revue. Ede Aans trad de leste joaren mit succes op ien verschaaiden noordelke kerken en tiedens t Ede Staal Festival ien Leens. Op 30 meert treden ze mit MIEN END EN MIEN BEGUN, laidjes en verhoalen van Ede Staal, op ien kerk van Zweeloo.

📍 Kerk Zweeloo  
📅 zundag 30 meert 15.00u

📄 Meer waiten? Kiek op: [petersiebesma.nl/ede-aans](https://petersiebesma.nl/ede-aans)



Foto: Pepijn van den Broeke

### Veurstellen

## DNA/USA van Theo de Groot

n Verhaal over Vikingen, Potawatomi natives, Cocksioanen en Grunneger gelukszuikers. Over n boot genoamd 'de Grote Beer', snert, Trump en n DNA-test. Over verlangst noar n beter leven en winst noar hoës. Over votgoan en bliëven. En: wanneer zolstoe votgoan? *DNA/USA* is n teatroale lezen over Grunnegers dij vanöf negentiende aiw per schip noar Michigan, USA, emigreerden. t Is ook t verhaal van theatermoaker Theo de Groot zien opa, Andy. Hai zocht ien 1954 zien haail ien de USA mit zien vraauw en kiender. Mor, Theo's moeke zol achterbliëven ien Grunnen... Ien 2023 speulde Theo de veurstellen al aan de Calvin University ien Michigan, USA, veur emigreerde Grunnegers en studenten Nederlands en Duuts. Nou wordt t verhaal verteld op de gronden woarop t begon.

📍 Dorpshuis Westeremden  
📅 zotterdag 8 meert 20.00u

📍 Dorpshuis Warffum  
📅 zundag 23 meert 16.00u

📍 Dorpshuis Saaksum  
📅 zotterdag 29 meert: BESLOTEN

📄 Veur meer infermoatsie en tournee update DNA/USA kiek op: Facebook Peerdtheater en de webstee [peerdtheater.nl](https://peerdtheater.nl)

# Oetlicht



Foto: Kweekvijver Noord

## Videowedstried

### Vlog Em Mor!

Veur twijde maal organiseert Centrum Groninger Taal & Cultuur | Erfgoedpartners de videowedstried *Vlog Em Mor!* veur jongelu van 12 tot 18 joar. Mit dizze wedstried doagen wie jongelu oet om oet heur comfort zone te stappen en (meer) Grunnegs te proaten. Dizze keer is t thema *Bie ons thoes*. Doe kins ien dien filmke bieubbeld zain loaten woar dastoe die thoes vuilze en woarom. Of doe gaais aan de hoal mit t thema en bedenks der wat maals bie! Verras ons én de jury, dij bestaait oet Grunnfluencer TikTok Tammo, Nina Nomden (directeur RTV Noord) en Aukje en Gerben (winnoars 1e editie Vlog Em Mor!). Haile meertmoand kinnen jongelu mitdoun en heur filmke iensturen.

### Belangrieke doatums:

- 📅 Iensturen vlog: tussen 1 en 31 maart 2025
- 📅 Juryberoad: tussen 1 en 5 april 2025
- 📅 Stemmen veur publiekspries: tussen 6 en 12 april 2025
- 📅 Bekendmoaken en priesoetlangen ien t Berlagehoes ien Usquert (t kantoor van Centrum Groninger Taal & Cultuur). Doatum binnenkort bekend!
- 📄 Meer infermoatsie en spelregels vienstoe op: [cgtc.nl/vlog-em-mor](https://cgtc.nl/vlog-em-mor)



## Onderwies

### Wiesneus

Hét kiendertiedschrift haildaal schreven ien t Grunnegs komt der aan en het diskeer as thema *Lekker Aigenwies*. Wie kleuren boeten de lientjes en volgen lekker ons aigen pad. Mit grappege gedichten en verhoalen, n kleurploat, puzzels en n priesvraag. Bie *Wiesneus* heurt n lesbraif veur de boven- en onderbaauw, en bie de gedichten en verhoaltjes binnen audiobestanden moakt. Zo kinnen ook leerkrachten dij t Grunnegs nait machteg binnen heur leerlingen kennis moaken loaten mit de Grunneger taal. De zeuvende editie van *Wiesneus* wordt begun meert presenteed ien de klas. Boasesschoulen dij heur anmeld hebben bie Centrum Groninger Taal & Cultuur ontvangen de *Wiesneus* magazines begun meert op de schoulen.

- 📅 Wanneer: Haile moand meert op boasesschoulen ien Stad en pervinzie.
- 📄 Veur meer infermoatsie kiek op [cgtc.nl](https://cgtc.nl)
- 📄 Volgend joar *Wiesneus* ook ontvangen veur ien de klas? Geef joe as schoul of leerkracht din hier op: [erfgoedonderwijsingroningen.nl/aanvraagformulier-wiesneus/](https://erfgoedonderwijsingroningen.nl/aanvraagformulier-wiesneus/)

^ Weerom noar overzicht



Foto: André Dümmer

### Evenement

## Westerwolder Weke

Zin ien Grunneger dieverdoatsie ien en om t schiere Westerwolde? Van 14 t/m 21 meert 2025 is de *Westerwolder Weke* (vrouger: Grunneger Weke). Ien dizze week organiseren gemeente, ienwoners en organisoatsjes aktiviteiten dij de Grunneger toal en kultuur ien Westerwolde ien t zunnetje zetten. Vast onderdail is de *Westerwolder Schriefwedstried* veur Grunneger schrieftalenten van 12 joar en older. Priesoetlangen is op de openingsdag, 14 meert 2025 ien Buurthuis Jipsinghuizen. De winnende schrievers kriegen n oorkonde en n geldbedrag.

### Opening Westerwolder Weke

Op vrijdag 14 meert is de ôftrap van de *Westerwolder Weke* mit n divers aktiviteitenpergram. Der binnen optredens van onder meer woordkunstenjoars Giny Luth, Dolf Houwing en Hanne Wilzing. Fanfareorkest Jeduthun treedt op en der binnen muziekoptredens van Josien Bakker en Anita Berends. Niek Berendsen gaat Grunnegs Koken mit Giny Luth. Verder binnen der n streekproducentenmarkt, tradisionele ambachten en n tentoonstellen over de historie van Westerwolde.

**i** Informatie: Bekiek t complete pergram op [westerwolde.nl](http://westerwolde.nl) en hol de socioale media van de gemeente Westerwolde ien de goaten. [westerwolde.nl/westerwolder-weke-2025](http://westerwolde.nl/westerwolder-weke-2025)

moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi



Foto: edwinjongedijk.nl

### Evenement

## Twij doagen Grunnegs ien Obergum (Winsum)

Op vrijdag én zotterdag, 28 en 29 meert, is der rond en ien de Obergumer Kerk Grunnegs te heuren. Op vrijdagmirreg let n aantal schoulen ien n expositie en middels presentoatsjes zain op welke menaaijer zai waarkt hebben aan heur kennis van t Grunnegs. Op zotterdagmörn gef t n Grunnegs sprekende dörpsgid n wandeling deur t dörp. Doar noa is der mosterdsoep en povvert te verkriegen ien Obergumer Kerk en viendt n middagaktiviteit ploats. Opgeven kin via [dörpsgidswinsum.nl](http://dörpsgidswinsum.nl). Dag wordt ôfsloten mit soavends n concert van singer-songwriter Edwin Jongedijk, mit laidjes ien t Grunnegs.

**i** Meer informatie: [kerkobergum.nl](http://kerkobergum.nl)

[^ Weerom noar overzicht](#)



Foto: Kom op Verhoal

### Vertellen

## Wereldverteldag: Kom op Verhoal

Op 20 maart is t *Wereldverteldag*. n Wereldwiede dag woarop vertellers en luusteroars t vertellen van verhoalen vieren. Ien Grunnen is t vertelcollectief *Kom op Verhoal* dat al hail laank de missie het t verhoal weerom te brengen ien de streekcultuur van t Westerkwartier. Ien meertmoand goan Kom op Verhoal-vertellers Aafke Hoek, Harke Winter, Henk Wierenga en Hennie van der Laan verhoalen vertellen op verschaaiden schoulen: ien onder meer Doezum, Oldekerk, Oldehove en Zevenhuizen. Vanzulf ien de aigen variant van t Grunnegs: t Westerkwartiers.

De vertellers stellen de leerlingen ook de vrag wèl der thoes nog streektoal proaten. Nait elkenain is t Grunnegs machteg. De vertellers vienden t daarom van belang dat de kiender de klanken en woorden ien t Grunnegs heuren. En hou kin dit beter as mooie en spannende verhoalen ien de aigen streektoal te vertellen ien de klas!

Meer infermoatsie: [mienwesterkwartier.nl/er-was-eens/](http://mienwesterkwartier.nl/er-was-eens/)




Foto: Gemeente Het Hogeland

### Politiek

## Roadsvergoadern ien t Grunnegs

t Is ientussen n treditsie: Roadsleden dij ien meertmoand ien verschaaiden Grunneger gemaintes vergoadern ien Grunneger toal. Zoveul en zo goud meugelk, en ze geven heur roadsvergoaderns doarmit n extroa Grunnegs kleurtje. Dit gebeurt al sinds de oproup van de Nedersaksische federoatsie SONT aan de politiek ien 1986 om ien meert ien t dialect, de streektoal, te vergoadern (red. Nieuwsblad van het Noorden, 09 jannewoarie 1986).

Wilstoe waiten of dien gemainteroad ien meert ook ien t Grunnegs vergoadert? Kiek veur meer infermoatsie op de websteeën van de verschillende gemaintes (raadsvergaderingen) ien Grunnen of op [cgtc.nl](http://cgtc.nl)

**Gedicht**

## Aan Stad veurbie

Vingers vol bakse klitten  
springen uut mien pinne  
Dat wat bloume is  
Vergaait in zoad deur tied  
Oeit onlaand, vannijs op snee  
Zomor in miezulms  
Lopt laandschop wonder onder  
deur n welle van t begun  
Intied d'aiwege cirkel  
Dij stoadegaan  
as n zandloper tikt  
t Gruinlaand licht  
moanschienweer bie  
Op lienpepier taiken zuk  
scharen over t meer  
Aan Stad veurbie

**Henk Scholte**

Op vrijdag 21 feberwoarie is Henk Scholte oet tied kommen. As consulent streektoal bie Centrum Groninger Taal & Cultuur, radiomoaker en zanger van Törf was Henk n bevlogen aanpeerdjeder van t Grunnegs en t Nedersaksisch. Wie zollen hom, zien verhoalen en grode laifde veur de streektoal en cultuur aarg missen. In herinnern aan Henk dailen wie zien gedicht *Aan Stad veurbie*.

# Veuroet kieken!



Foto: Reyer Boxem

**Literatuur**

## Dichters in de Prinsentuin presenteert: Grunnegers in t Gruin

*Dichters in de Prinsentuin* is hét festival ien Grunnen om te genieten van gedichten en om doarover van gedachten te wizzeln mit mekoar, mit de dichter of mit heur vertoalers. Dat dut en organiseert NOORDWOORD al n aantal joaren en ien de moand juli (27 t/m 29 juni). Soamen mit Centrum Groninger Taal & Cultuur presenteert NOORDWOORD ook veur de kommende editie weer Grunnegers in t Gruin, n literair pergram mit Grunneger dichters.

Meer waiten over de editie Dichters in de Prinsentuin 2024 en t pergram? Hol de webstee van NOORDWOORD ien de goaten! [noordwoord.nl](https://noordwoord.nl)

**^ Weerom noar overzicht**

# Veuroet kieken!



Foto: Hongerige Wolf

## Festival

### Gouden Rand Festivals

t Grunneger plattelend is n leventege scene veur meerdoagse festivals. Langs de noordoostelke rand van de pervinzie taikent zich n slinger van festivals òf dij t 'gold' van t gebied, de aiwenolde wierden, wiedse polders en laankrechte dieken, de monumentoale gebouwen en markante dörpen, as inspiroatsiebron en podium kaizen.

#### Terug naar het Begin

Ind maai vörmen jaarlieks olde kerken ien gemainte Eemsdelta t decor veur Gouden Rand festival *Terug naar het Begin*, woar n keur aan artiesten de kerken heur podium neumen maggen. Terug naar het begin viendt ploats van 25 t/m 25 maai 2025. Meer info en tickets: [terugnaarhetbegin.nl](https://terugnaarhetbegin.nl)

#### Hongerige Wolf

*Hongerige Wolf* is meschain wel de mainst tot de verbeelden sprekende dörpsnoam van Nederland. t Lutje pittoreske dörpke 'aan t oetind van wereld', vörmt n ideoale setting veur n gezellig festival veur jong en old dat dezulfde sprookjesachtege noam droagen mag. *Hongerige wolf* viendt ploats van 11 t/m 13 juli 2025. Meer info en tickets: [festivalhongerigewolf.nl](https://festivalhongerigewolf.nl)

De publiciteitscampagne *Gouden Rand Festivals* is n gezoamenlek initiatief van bovenstoande festivals en Erfgoedpartners | Centrum Groninger Taal & Cultuur.

Meer infermoatsie: [goudenrandfestivals.nl](https://goudenrandfestivals.nl)

# Veuroet kieken!



Foto: Josetta Mellies

## Festival

### Muziek en Monument

Op zundag 22 juni viendt t festival *Muziek & Monument* ploats. Ien vaaier monumentoale kerken ien t Oldambt treden vaaier verschillende artiesten op. *Muziek en Monument* is n festival dat de schoonheid van t Oldambtster aarfoud combineert mit prachtege en inspirerende muziek van Grunneger talenten.

#### Pergram

- 📍 Hervormde Kerk Nieuwolda: Noordelijk Barok Ensemble
- 📍 Dorpskerk Midwolda: Hollywood Horseshit met Ludolf Heikens & Alex Vissering
- 📍 Kerk van Oostwold: Törf
- 📍 Stefanuskerk Finsterwolde: Them Dirty Dimes
- 📍 Meer infermoatsie: [hintsorgelmidwolda.nl](https://hintsorgelmidwolda.nl)  
Tickets binnenkört te verkiegen.

# Veuroet kieken!



Foto: GRN festival Kielzog

## Divers

### Grunneger taal en cultuur t joar deur!

Grunnecs ien Meertmoand Streektoalmoand: *Wees der bie!* Ook noa meert is der van alles te doun, te beleven en te leren op t gebied van Grunneger taal en cultuur. Zo vienden der van t haarfst verschaaiden activiteiten ploats van Erfgoedpartners | Centrum Groninger Taal & Cultuur en organizoatsies oet t Grunneger culturele veld. Vanðf september starten nije *cursussen Grunneger taal*, *Oktober Kindermaand* komt er weer aan en op 15 november viendt de 5e editie van *GRN festival* ploats ien Kielzog op Hoogezand. De 6e editie van de *Ubbo Emmiuslezing* is ien september ien Nieuwe Kerk ien Stad. En ien de haarfst kin-je weer mitdoun mit *Pervinzioale Schriefwedstried!*

In soamenwaarken mit Biblionet Grunnen organiseert Centrum Groninger Taal & Cultuur in november verschaaidende activiteiten veur t Grunnecs ien biebeltaiken.

Meer waiten? Kiek op [cgtc.nl](http://cgtc.nl) en [erfgoedpartners.nl](http://erfgoedpartners.nl) en hol ons socials ien de goaten!

# Veuroet kieken!



## Magazine

### MOI!: 2e editie!

Noast nijs en activiteiten ien meertmoand en doar boeten brengen Centrum Groninger Taal & Cultuur en Erfgoedpartners t haile joar deur Grunneger taal, cultuur en aarfgoed onder aandacht. Noast publicoatsies as Erfgoednieuws, Klankjuwelen (orgelmagazine), Erfgoededucatie Uitgelicht en de Zelfzwichter (tiedschrift over meulens) is der sinds haarfst 2024 *MOI!* Ien dit themamagazine hebben wie aandacht veur de Grunneger taal en cultuur en de activiteiten dij t aankommend joar gebeuren. Mit achtergrondverhoalen, interviews, literaire biedroagen, aandacht veur streektoalmuziek en -cultuur ien Grunnen ien de braidste zin. Ien november komt de tweede editie van *MOI!*, veur activiteiten van december 2024 tot december 2025, oet.

Ook mit dien activiteit ien *MOI!* stoan? Meld dien activiteit din véur 1 september aan op [erfgoednieuws.nl](http://erfgoednieuws.nl) of via [info@cgtc.nl](mailto:info@cgtc.nl)

Meer infermoatsie: [cgtc.nl](http://cgtc.nl)

# Activiteitenoverzicht Meertmoand Streektoalmoand 2025



Multidisciplinair	Meertmoand Streektoalmoand	Divers	Divers	<b>hail meert</b>	Divers	<a href="#">cgtc.nl</a>
Wedstried	Vlog em Mor	Divers	Divers	<b>hail meert</b>	Divers	<a href="#">cgtc.nl</a>
Muziek / cabaret	Pé en Rinus	Theater de Hofpoort	Coevorden	<b>1 mrt</b>	15:00 en 20:15	
Muziek	Tammo zingt folk	Geert Teis	Stadskanaal	<b>1 mrt</b>	20:00	<a href="#">tammo.nu</a>
Theater	WAARK: Haalfmaal of de macht van Domhaid	Ons Dorpshuis	Eelde	<b>1 mrt</b>	20:00	<a href="#">waark.nl</a>
Theater	Toneelvereniging 't Aol volk	Het Kielzog	Hoogezand	<b>2 mrt</b>	14:00	<a href="#">kielzog.nl</a>
Onderwies	Lancering MOOC Gronings spreken					<a href="#">groningsleren.nl</a>
Muziek	Tammo zingt folk	Stadstheater de Bond	Oldenzaal	<b>6 mrt</b>	20:15	<a href="#">tammo.nu</a>
Muziek	Tammo zingt folk	De Meenthe	Steenwijk	<b>7 mrt</b>	20:00	<a href="#">tammo.nu</a>
Theater	WAARK: Haalfmaal of de macht van domheid	De Gaveborg	Oostwold	<b>7 mrt</b>	20:00	<a href="#">waark.nl</a>
Muziek en verhalen	Hadders & de Groot	MFC de Noordsuydhoeve	Noordbroek	<b>7 mrt</b>	20:15	<a href="#">kielzog.nl</a>
Muziek	Erwin de Vries - Onbekend Waark	VanBeresteyn	Veendam	<b>7 mrt</b>	20:15	<a href="#">vanberesteyn.nl</a>
Theater	Theo de Groot: DNA/USA	Dorpshuis	Westeremden	<b>8 mrt</b>	20:00	<a href="#">dorpshuiswesteremden.nl</a>
Muziek	Jan Henk de Groot	Semsstraatkerk	Stadskanaal	<b>8 mrt</b>	20:00	<a href="#">info@semsstraatkerk.nl</a>
Muziek	Bert Hadders	CC Zuidhorn	Zuidhorn	<b>8 mrt</b>	20:00	<a href="#">berthadders.nl</a>
Theater	WAARK: Haalfmaal of de macht van domhaid	De Zaandorre	Zuidlaarderveen	<b>8 mrt</b>	20:00	<a href="#">waark.nl</a>
Muziek	Tammo zingt folk	De Voorvegther	Hardenberg	<b>8 mrt</b>	20:15	<a href="#">tammo.nu</a>
Rondlaaiden	Rondleiding in t Grunnegs	Fraeylemaborg	Slochteren	<b>9 mrt</b>	14:00	<a href="#">fraeylemaborg.nl</a>
Muziek	Harry Niehof: Op Wier	CazemierBoerderij	Tolbert	<b>9 mrt</b>	14:30	<a href="#">cazemierboerderij.nl</a>
Lezing	Platform Streektaal: lezing Cato Piek	Berlagehuis	Usquert	<b>13 mrt</b>	11:15	<a href="#">erfgoedpartners.nl</a>

**^ Weerom noar overzicht**



moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi

Muziek	Tammo zingt folk	De Lawei	Drachten	13 mrt	20:15	<a href="https://tammo.nu">tammo.nu</a>
Literatuur	Priesoetlangen Westerbolder Schriefwedstried	Buurthuis Jipsinghuizen	Sellingen	14 mrt	19:00	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Muziek	Hendrik Jan Bökkers - Kats de weg Kwiet	De Klinker	Winschoten	14 mrt	20:15	<a href="https://indeklinker.nl">indeklinker.nl</a>
Westerwolder weke	Opening Westerbolder Weke	Gemeentehuis Sellingen	Sellingen	15 mrt	13:00	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Theater	WAARK: Haalfmaal of de macht van domheid	Dorpshuis De Woldstee	Noordwolde	15 mrt	20:00	<a href="https://waark.nl">waark.nl</a>
Westerwolder weke	Schiere Steveltocht	Emboerveldweg	Smeerling	16 mrt	10:15	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Westerwolder weke	Rondlaaiden in t Grunnegs	Museumklooster Ter Apel	Ter Apel	16 mrt	14:00	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Theater	WAARK: Haalfmaal of de macht van domheid	Dorpshuis Op Streek	Den Andel	16 mrt	15:00	<a href="https://waark.nl">waark.nl</a>
Literatuur	Schriefworkshop Fieke Gosselaar	Bibliotheek	Ter Apel	18 mrt	13:00	<a href="https://cgtc.nl">cgtc.nl</a>
Westerwolder weke	Proefles Grunnegs	Gasterij Natuurlijk Smeerling	Smeerling	20 mrt	10:30	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Westerwolder weke	Grunneg mirreg mit Ketelkoor	Steunstee	Ter Apel	20 mrt	14:00	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Westerwolder weke	Westerwolder Pubquiz	RSG Ter Apel	Ter Apel	20 mrt	18:30	<a href="https://westerwolde.nl/westerwolder-weke-2025">westerwolde.nl/westerwolder-weke-2025</a>
Muziek	Tammo zingt folk	Atlasheater	Emmen	21 mrt	20:00	<a href="https://tammo.nu">tammo.nu</a>
Literatuur	Dichtbie van Doan: lancering website	nvt	nvt	21 mrt	haile dag	<a href="https://dichtbievandoan.nl">dichtbievandoan.nl</a>
Muziek / literatuur	Veenkolonia/aols!	d'Rentmeester	Valthermond	22 mrt	19:30	<a href="https://cgtc.nl">cgtc.nl</a>
Theater	WAARK: Haalfmaal of de macht van domheid	Centrum Kabzeël	Appingedam	22 mrt	20:00	<a href="https://waark.nl">waark.nl</a>
Muziek	Tammo zingt folk	De Molenberg	Delfzijl	22 mrt	20:15	<a href="https://tammo.nu">tammo.nu</a>
Muziek	Aigenhaimers mit Jetta Post	Het Kielzog	Hoogezand	23 mrt	14:00	<a href="https://kielzog.nl">kielzog.nl</a>
Theater	Theo de Groot: DNA/USA	Café Bulthuis	Ennum	23 mrt	16:00	<a href="https://bulthuisenum.nl">bulthuisenum.nl</a>
Muziek / cabaret	Pé en Rinus	Theater de Winsinghof	Roden	27 mrt	20:15	<a href="https://theaterroden.nl">theaterroden.nl</a>
Multidisciplinair	2 doagen Grunnegs	Kerk Obergum	Winsum	28 mrt	Divers	<a href="https://kerkobergum.nl">kerkobergum.nl</a>
Theater	Theo de Groot: DNA/USA	Dorpshuis	Warffum	28 mrt	20:00	<a href="https://dorpshuiswarffum.nl">dorpshuiswarffum.nl</a>
Muziek / cabaret	Pé en Rinus	Barontheater	Opende	28 mrt	20:00	<a href="https://barontheater.nl">barontheater.nl</a>

^ Weerom noar overzicht

Muziek	Bert Hadders	Ostfriesische Landschaft	Aurich	28 mrt	20:00	<a href="http://berthadders.nl">berthadders.nl</a>
Muziek	Tammo zingt folk	De Klinker	Winschoten	28 mrt	20:15	<a href="http://indeklinker.nl">indeklinker.nl</a>
Multidisciplinair	2 doagen Grunnegs	Kerk Obergum	Winsum	29 mrt	10:30	<a href="http://kerkobergum.nl">kerkobergum.nl</a>
Muziek / cabaret	Pé en Rinus	Theater in de Warf	Warfhuizen	29 mrt	14:30 en 20:00	<a href="http://theaterindewarf.nl">theaterindewarf.nl</a>
Theater	WAARK: Haalfmaal of de macht van domhaid	Dorpshuis	Meeden	29 mrt	20:00	<a href="http://waark.nl">waark.nl</a>
Muziek	Tammo zingt folk	De Klinker	Winschoten	29 mrt	20:15	<a href="http://tammo.nu">tammo.nu</a>
Muziek	Bob Heidema & Band - aigen Grunneger laidjes	Het Kielzog	Hoogezand	29 mrt	20:15	<a href="http://kielzog.nl">kielzog.nl</a>
Rondlaaiden	Grunnegs in t Stadhoes	Stadhuis	Groningen	29 mrt	divers	
Muziek	Jan Henk de Groot	Fraeylemaborg	Slochteren	30 mrt	11:00	<a href="http://fraeylemaborg.nl">fraeylemaborg.nl</a>
Muziek	Ede Aans	Kerk	Zweelo	30 mrt	15:00	<a href="http://pietersiebesma.nl">pietersiebesma.nl</a>
Muziek / cabaret	Pé en Rinus	De Deel	Sleen	30 mrt	16:00	<a href="http://theaterdedeel.nl">theaterdedeel.nl</a>

## En wieder dit joar...

Muziek	Marlene Bakker	Nijend24	Anderen	12 apr	20:30	<a href="http://nijend24.nl">nijend24.nl</a>
Literatuur	Het Beste Groninger Boekenfeest	Forum	Groningen	17 mai	19:30	<a href="http://noordwoord.nl">noordwoord.nl</a>
Muziek	Marlene Bakker	Kerk	Garnwerd	17 mai	20:00	<a href="http://tegastingarnwerd.nl">tegastingarnwerd.nl</a>
Muziek / festival	Muziek en Monument	Woldkerken	Midwolda, Nieuwolda, Oostwold en Finsterwolde	22 mai	12:00	<a href="http://hintsorgelmidwolda.nl">hintsorgelmidwolda.nl</a>
Gouden Rand festival	Terug naar het begin	Divers	Eemsdelta	23 t/m 25 mai	haile dag	<a href="http://terugnaarhetbegin.nl">terugnaarhetbegin.nl</a>
Literatuur / festival	Dichters in de Prinsentuin	Prinsentuin	Groningen	27 t/m 29 jun	haile dag	<a href="http://noordwoord.nl">noordwoord.nl</a>
Gouden Rand festival	Festival Hongerige Wolf	Festivalterrain	Hongerige Wolf	11 t/m 13 jul	haile dag	<a href="http://festivalhongerigewolf.nl">festivalhongerigewolf.nl</a>
Theater	Zummerbühne: Gronieken	Vlakbie Grunopark	Meerstad	13 aug t/m 14 sep	20:15	<a href="http://zummerbuhne.nl">zummerbuhne.nl</a>
Festival	GRN	Kielzog	Hoogezand	15 nov	13:00	<a href="http://cgtc.nl">cgtc.nl</a>

[^ Weerom noar overzicht](#)

moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi  
moi

moi, volg ons online



Meer Grunnegs? Kiek op [cgtc.nl](http://cgtc.nl) veur alle actuele Grunneger taal en cultuur activiteiten, optredens, festivals, onderzoiken en nog veel meer. Ien de meertmoand én doarnoa!

## colofon

Dit is n oetgoave van Centrum Groninger Taal & Cultuur en Erfgoedpartners.

Veraanderns en druk- of zetfouten veurbeldden

### Tekst en redakzie

Patricia Ottay

Rosa Veldman

Riemke Bakker (vertaling Grunnegs)

### Fotografie omslag

Erwin de Vries. Foto: Pepijn van den Broeke

### Ontwaarp & Opmoak

Studio RATATA.nl

36





